

PEMBAHAGIAN PUSAKA (FARAID)
MENURUT AMALAN PERPATIH SECARA UMUM
PERRBANDINGAN DENGAN PUSAKA ISLAM

JABT. PENG. PEMBANGUNAN KELUARGA
UNIVERSITI PERTANIAN MALAYSIA
SERDANG
MAC 1996

PEMBAHAGIAN PUSAKA (FARAID) MENURUT AMALAN PERPATIH
SECARA UMUM
PERBANDINGAN DENGAN PUSAKA ISLAM.



Nama : Mohamad Fauzi b. Alias
No. Matrik : 43353
Program : Bac. Pendidikan
(Bimbingan & Kaunseling)
Universiti Pertanian Malaysia.

PENGHARGAAN

Kesyukuran yang tidak terhingga dipohonkan kehadiran Ilahi yang telah mengurniakan kekuatan serta hidayat kepada hambanya yang daif sehingga selesainya penulisan ini.

Terima kasih dan sekalung penghargaan untuk En. Norhalim Hj. Ibrahim yang banyak membimbing, memerhati serta membantu penulis di dalam usaha menyiapkan latihan ilmiah ini. Kepada yang bekerjasama, semoga segala ilmu dan pendidikan yang dicurahkan mendapat ganjaran Allah.

En. Jamal dan Ustaz Alimad Zaidi, terima kasih kerana memberi jasa baik bagi membantu penulis memahami lagi penulisan ini.

Sesiapa juga yang terlibat menyumbang tenaga dari segi material dan spiritual. Harapan agar Allah berikan ketabahan dan keyakinan kepada semua.

Kepada semua pengarang buku-buku, kertas-kerja dan sebagainya yang telah penulis gunakan sebagai bahan latihan ilmiah ini, terima kasih diucapkan. Segala kesilapan penulis di dalam mengubahsuai, penyalinannya harap dimaafkan.

Walaupun latihan ilmiah ini mengandungi serba kekurangan dan kecacatan, penulis masih mengharapkan supaya apa yang baik daripadanya itu dijadikan panduan dan pengajaran, segala yang kurang dijadikan tauladan serta harap dimaafkan. Mudah-mudahan ianya dapat dimanfaatkan.

“Ya Allah, ampunkan hambamu ini”.

Ikhlas,



Hj. Mohamad Fauzi b. Hj. Alias

No. Matrik : 43353

Program : Bac. Pendidikan Bimbingan & Kaunseling.

Tarikh : 25 Mac 1996.

Kandungan

Halaman

Penghargaan	i
Isi kandungan	ii
Pendahuluan	iii
Sinopsis	vii

BAB I

1.1 Sejarah Kedatangan Adat Perpatih

1.11 Asal-usul adat Perpatih secara umum	1
1.12 Negeri-negeri yang mengamalkan adat Perpatih	7
1.13 Islam dan Adat di Tanah Melayu	11

BAB II

2.1 Amalan Pembahagian Pusaka menurut Adat Perpatih

2.11 Kedudukan harta pusaka di dalam adat Perpatih	16
2.12 Jenis-jenis harta pusakadan pembahagiannya.	29

BAB III

3.1 Perbandingan dan Pandangan

3.11 Pandangan Islam terhadap amalan pembahagian pusaka menurut adat Perpatih. Perbandingan.	39
3.12 Penyelesaian	44
3.13 Kesimpulan dan Penutup	46
3.14 Sumber Rujukan	52

Pendahuluan

Masalah pusaka adalah amat penting di dalam fiqh Islami. Dengan itu didapati fuqaha' Islam begitu bersungguh-sungguh membahaskan masalah-masalah yang berkaitan dengan pusaka, menjadikannya suatu ilmu yang khusus. Daripadanya diketahui syarat-syarat pusaka, sebab-sebab perkara-perkara yang menegah daripada pusaka dan hak-hak terhadap harta peninggalan secara itu boleh mewarisi dan sebaliknya, mengetahui bahagian waris-waris dan sebagainya. Memperolehi pusaka merupakan setinggi-tinggi ilmu syariat yang banyak memberi faedah. Ilmu pusaka yang dimaksudkan itu ialah yang berdasarkan al-Quran dan al-Sunnah serta ijmak, inilah ilmu yang begitu diberatkan untuk umat Islam mempelajarinya. Syarat menentukan mempelajari ilmu pusaka (faraid) itu fardu kifayah.

Oleh itu di samping al-Quran menerangkan secara terperinci mengenai pembahasannya, didapati banyak sekali hadis-hadis Rasulullah SAW yang menganjurkan manusia supaya mempelajari ilmu pusaka ini dan mengajarkannya. Ianya dinyatakan oleh Rasulullah sebagai sebahagian daripada ilmu dan cepat hilangnya dari ingatan :

عن عبد الله بن عمرو أن رسول الله
(ص) قال : العلم ثلاثة

وما سوعا زنتك قضد :
أية محكمة أو سنة عامة
أو خريفة عارلة

(رواه أبو داود وأبو داود)

Islam begitu memandang hina kepada ilmu pusaka yang bercanggah dengan prinsip yang telah ditetapkan oleh perundangan Islam. Seperti yang dimaklumi terdapatnya sistem pusaka amalan masyarakat sebelum kedatangan Islam juga ciptaan moden yang mengandungi ciri-ciri pertentangan dengan pusaka Islam. Dengan ini Islam inginkan segala ilmu pusaka yang bercanggah serta tidak menepati dasar perundangan Islam ini dihapuskan dengan segera. Semuanya ini dilakukan demi menjaga keutuhan hubungan kekeluargaan Islam dan menghindarkan dari berlakunya kesan-kesan negatif hasil dari pembahagian itu.

Di dalam penulisan ini, penulis cuba melihat kepada salah satunya sistem pusaka hasil ciptaan manusia iaitu di dalam adat 'Perpatih'. Penulis agak tertarik untuk melihat secara dekat mengenai sistem ini memandangkan hanya inilah satu-satunya sistem yang masih lagi mengikut peraturan yang telah dibuat oleh nenek-moyang mereka dahulu dan tetap bertahan hingga kini. Boleh dikatakan ianya suatu sistem yang unik iaitu menetapkan pembahagian pusaka menurut keturunan ibu (perempuan). dari sini timbullah berbagai anggapan masyarakat terutama luaran terhadap adat Perpatih dan pengamalannya. Oleh itu kita akan melihat sejauhmana sistem ini diamalkan kini, apakah pembahagian berdasarkan keturunan perempuan itu hanya pada harta-harta tertentu dan sebagainya yang berkaitan dengan sistem ini.

Di dalam Bab I, secara umum dan ringkas diterangkan mengenai asal-usul adat Perpatih, kerana untuk mengenal dan mengkaji sesuatu itu tentu sekali memerlukan latar belakangnya. Penulis tidak menjelaskan perkara ini secara mendalam kerana bukan itu tujuan penulis. Kemudian dinyatakan juga bagaimana kedatangan dan kemunculan adat ini di Tanah Melayu, melahirkan pula berbagai-bagai suku-perut yang didapati sampai sekarang. Mereka yang berhijrah dengan membawa bersama adat Minangkabau ini telah membuka penempatan-

penempatan, akhirnya membentuk daerah-daerah dan negeri yang terdapat di dalamnya masyarakat pengamal adat Minangkabau ini. Seperti yang diketahui, tidak semua daerah di Negeri Sembilan ini mengamalkan adat Perpatih dan kemungkinan juga terdapatnya masyarakat Minangkabau di negeri-negeri lain berpandukan faktor sejarah. Dilihat juga hubungan antara adat dan Islam di Tanah Melayu.

Bab II, diterangkan kedudukan harta pusaka di dalam adat Perpatih, bagaimana kedudukan pihak lelaki dan perempuan di dalam hal ini. Bagaimana yang dinyatakan 'pengutamaan' kepada perempuan itu, apakah lelaki tidak mempunyai hak langsung? Jenis-jenis harta pusaka dinyatakan dan harta manakah yang menurut garis keturunan perempuan sebenar. Di dalam pembahagian menurut sistem adat yang terlalu susah dan sukar untuk dihapuskan ini, sifat reda-meredai perlu ditanamkan di dalam jiwasetiap waris. Telah difahami dan dimaklumi, perubahan terhadapnya terlalu payah kerana ianya telah diamalkan sejak zaman berzaman, terdapat di dalamnya ketua-ketua adat dan pihak yang masih berpegang teguh dengan sistem ini. Telah dibentuk satu corak peraturan dan pemerintahan yang tersendiri, sudah tentu perubahannya menyebabkan timbulnya pula berbagai kerumitan. Jadi, apa yang sepatutnya dilakukan ialah supaya tidak bersifat tamakkan harta, berlaku adil serta amanah di dalam masalah ini, agar terhindar segala keburukan dan kesan yang boleh menjejaskan hubungan persaudaraan dan kekerabatan.

Bab III, Islam telah menghapuskan sistem ini secara beransur-ansur dan akhirnya diperjelaskan dengan mendalam dan terperinci tentang pusaka Islam, membatalkan segala adat

jahiliyyah yang bercanggah dengan prinsip Islam itu. Di dalam bab ini diterangkan mengapa sistem adat Perpatih itu bercanggah dengan pusaka Islam, pandangan masyarakat umum terhadapnya serta penyelesaian masalah ini.

Kesimpulannya, sesungguhnya sistem perundangan Ilahi sahajalah yang mempunyai kesempurnaan dan keunggulannya. Semua perkara akan dapat diselesaikan dengan kembali kepada al-Quran dan al-Sunnah.

Sinopsis

Masyarakat di mana sahaja berada tetap memandang tinggi terhadap harta lebih-lebih lagi harta itu suatu yang bernilai seperti tanah pusaka. Masalah akan dihadapi oleh sesiapa jua yang ada memiliki harta. tuntutan oleh waris-warisan dilakukan seboleh-bolehnya untuk mendapatkan harta pusaka, samada mereka itu waris yang jauh atau yang dekat. Apabila disebut '*tanah pusaka*' masyarakat umum terus akan mengarah kepada '*adat Perpatih*' di Negeri Sembilan, disebabkan sistem pusakanya yang berlainan. Adat Perpatih yang mengutamakan anak/pihak perempuan di dalam pusaka, melahirkan berbagai-bagai anggapan masyarakat umum mengenai adat Perpatih, terutamanya perempuan-perempuannya yang dianggap suka membolot harta dan sebagainya. Melalui penulisan ini, kita cuba meninjau secara dekat mengenai pembahagian itu. Apakah semua harta itu diwariskan kepada perempuan. Bagaimana perselisihan tentang harta boleh terjadi, dapatkah perkara ini diselesaikan sesama mereka. Apakah cara penyelesaiannya. Islam memandang harta itu sebagai hak Allah dan hendaklah manusia sama-sama mempergunakannya. Islam melarang mengambil harta orang lain tanpa haknya. Pentingnya pembahagian pusaka menurut syariat Islam yang telah ditentukan pembahagiannya. Tujuannya supaya tidak berlaku sebarang kerenggangan perhubungan kekeluargaan. Ketetapan Allah dan Rasulnya sahajalah yang dapat menjamin kebahagiaan dunia dan akhirat.

BAB I

1.1 SEJARAH KEDATANGAN ADAT PERPATIH

1.11 Asal-usul Adat Perpatih secara umum.

Sebelum kita mengetahui secara lebih lanjut mengenai adat Perpatih, perlulah kita melihat dengan serba ringkas tentang asal-usulnya dahulu.

Mengikut legenda, Minangkabau iaitu tempat asal adat Perpatih dibahagi kepada 2 beradik, Datuk Ketemenggungan dan Datuk Perpatih. Bahagian di bawah Datuk Ketemenggungan dinamakan Kota - Piliang dibahagi kepada Koto dan Piliang dan Bodi - Caniago kepada Bodi dan Caniago, jadilah jumlah 4 suku.¹

Md. Sharif Fakeh Hassan menyatakan, menurut cerita-cerita di Minangkabau, sebelum adat susunan Datuk Perpatih tersebar telah sedia penghulu negeri itu bernama Datuk Suri DiRaja. Kemudian datang anak Raja Hindu (Sang Sapurba) dan disambut dengan '**beriang-riang**', kononnya itulah asalnya '**Periangan**'.

Dalam cerita lain kedatangan anak Raja itu tidak disukai, Datuk Suri Diraja menyambutnya dengan membuat sebuah balairong daripada kayu-kayu yang miang. Beliau juga melantik 4 orang penghulu (Datuk Seri Maharaja, Datuk Maharaja Besar) menjadi pembesar negeri '**Periangan Padang Panjang**' untuk mengelakkan anak Raja itu dari berkuasa sepenuhnya. Sebelum adanya Nenek Temenggong dan Perpatih Nan Sebatang merekalah yang memerintah. Menurut cerita lagi, anak Raja Hindu itu telah berkahwin dengan saudara perempuan Datu Suri Diraja, Puteri Indah Julita, Mereka mendapat anak lelaki dinamakan Sutan

¹ Nordin Selat , Sistem Sosial Adat Perpatih (Kuala Lumpur : Utusan Melayu, 1976) , hlm.39.

Paduka Basa yang bergelar kemudiannya Sang Sapurba ini mengkat dan Datuk Suri DiRaja telah mengahwinkan adiknya itu dengan Nenek Jati Bilang Pandai (bergelar Indo Jati) dan mereka memperoleh 2 orang anak lelaki (Sutan Balun dan Sikalok Dunie) serta 4 perempuan. Setelah anak lelaki itu dewasa, mereka telah diserahkan kuasa memerintah bersama-sama abang mereka Datuk Ketemenggungan dan mereka dinamakan Ratu Nan Bertiga. (Dalam Tambo Minangkabau Sutan Balun itulah yang bergelar Datuk Perpatih tetapi dalam Mustiko Adat Minangkabau yang bergelar Datuk Perpatih itu ialah Sikalok Dunie).¹

Menurut Abbas Ali, Sutan Paduka Basa (berlainan bapa) bergelar Datuk Ketemenggungan. Sikalok Dunie sebagai Datuk Perpatih Nan Sebatang, Sutan Balun digelar Datuk Seri Maharaja Nan Bernaga-naga sementara yang perempuan bernama Puti (Puteri) Reno Sudi, Reno Mandi, Reno Judah dan Puteri Jamilah.² Temenggung dan Perpatih adalah adik-beradik seibu dari berlainan bapa.

Temenggung merupakan putera dari ayah berketurunan DiRaja, Perpatih dari orang kebanyakan. Emak mereka telah berkahwin kemudiannya setelah suami yang pertama mengkat, dengan harapan akan menjadi perempuan pertama di Pulau Percha (Sumatera).³ Saudara perempuan mereka yang bongsu 'Puteri Jamilah' telah dikahwinkan dengan Aditiawarman (Menteri Majapahit). Menurut riwayat, beliau telah dititahkan oleh Majapahit pergi ke Palembang dan

¹ Md. Sharif Fakeh Hassan, "Sejarah Kedatangan Adat Perpatih ke Negeri Sembilan dan kaitannya di Minangkabau", Kertas Kerja Seminar Persejarahan dan Adat Perpatih, Majlis Belia Negeri, Negeri Sembilan (10-12 April 1974), hlm. 7.

² Abbas Ali, "Sebahagian dari dasar Adat (tinjauan secara umum), Kertas Kerja Seminar Persejarahan dan Adat Perpatih, Majlis Belia Negeri, Negeri Sembilan (10-12 April 1974), hlm. 3.

³ Mohd Din Ali, "Two Forces in Malay Society", *Intisari*, 1.3, MSRI, Singapore (1962), hlm. 16.

Jambi untuk mencari jajahan takluk. Apabila sampai di Minangkabau lalu dijadikan semenda oleh Datuk Nan Bertiga iaitu (Temenggung, Perpatih dan Seri Maharaja). Aditiawarman dan Puteri Jamilah telah mendapat seorang anak lelaki dan selalu mandi di sungai semasa kecilnya. Kerana takutkan buaya lalu dipagari sekeliling tempat mandi itu dengan ruyong. Kononnya itulah asalnya '**Pagar Ruyong**' Anak Raja itulah asalnya Raja Pagar Ruyong yang berketurunannya memerintah negeri itu.

Raja Melewar yang dijemput ke Negeri Sembilan itu dikatakan keturunan dari anak raja tersebut Orang-orang Melayu di Tanah Melayu telah mempercayai atau berpendapat, mereka berasal dari Minangkabau, tanah tinggi di Sumatera.¹ Sebahagian dari mereka datang secara langsung mereka adat Perpatih yang bercorak *marilineal* dan bersuku. Sebahagian pula datang melalui Palembang yang semasa itu tersebar pengaruh Hindu yang beraja. Mereka ini datang membawa bersama adat Temenggung yang bercorak *patrilineal*.

Apabila sesuatu negeri itu mempunyai adatnya sendiri, ianya menunjukkan negeri itu lama dan bertamaddun. Dengan ini perlulah diakui Minangkabau itu telah bertamaddun dalam suatu jangkamasa yang panjang hinggalah ke hari ini.

Kebanyakan asal-usul Raja-raja Melayu memang tidak dinafikan bahawa zuriat raja-raja Melayu itu berasal dari Minangkabau, Bukit Siguntang, MahaMeru, Palembang, Pasai dan Aceh dalam negeri '**Semudera**' ertinya '**Semut Besar**' iaitu kejadian sejarah Pulau Sumatera sesudah timbul kembali dari sebesar semut maka dinamakan Sumatera hingga sekarang.²

¹ Ahmad Mohd Ibrahim, "Islam Customary Law/Malaysia", *Intisari*, 2.2, MSRI Singapore (1963), hlm. 48.

Lihat juga : M.B. Hooker, ed., *Readings in Malay Adat Laws* (Singapore : Singapore University Press, 1970), hlm.7.

² Abu Chik Mat Sarom, Abu Hassan Ahmad, dan Sulaiman Idris. *Asal-usul Adat Perpatih Negeri Sembilan* (Kuala Pilah : Malay Press. 1962), hlm. 12.

Terdapat mereka yang ahli di dalam adat Perpatih memperkatakan secara lisan, asal-usul keturunan raja-raja dunia ini ialah dari Iskandar Zulkarnain. Baginda berputerakan 3 lelaki iaitu tuanya Raja Arif dititahkan belayar ke Rome dan menaklukinya termasuk Benua Eropah dan Afrika. Anak kedua Raja Dipang diperintahkan ke Timur Jauh membuka Benua China dan sekitarnya.

Yang ketiga 'Seri Raja DiRaja' dititahkan ayahanda baginda hala ke Gunung Berapi menghala ke Selatan Benua Asia dan menuju ke gugusan Pulau-pilau Melayu dengan bekalan bantera dan sebuah peti berisi mahkota kebesaran mengeraskan adat serta hukum.¹ Baginda sampai ke gunung berapi tersebut dan menguasai sekelilingnya. Baginda telah menitahkan rakyat jelata membuka negeri dengan segala kelengkapan dan hiduplah mereka dengan maju dan makmur. Baginda turut mengadakan undang-undang bagi menjamin kesejahteraan dengan dinamakan '**undang-undang Adat**' iaitu adat Perpatih dan adat Temenggung.

Seorang daripada cucu-cicit Sri Raja DiRaja ini bernama Raja Mahmud menjadi raja di negeri Padang Luas Pagar Ruyong, berputerakan tiga orang, dua lelaki dan seorang putera ; yang sulong bernama Sri Mara Pateh, yang tengah Sri Temenggung, dan yang bongsu Puteri Sri Banun. Apabila ketiga putera-puteri ini telah besar remaja, ayahanda mereka pun gering lalu mangkat. Untuk melantik penggantinya, Perdana Menteri telah memanggil sekalian rakyat jelata mengadap. Di perhimpunan ini Sri Mara Pateh telah diumumkan sebagai pengganti menaiki takhta kerajaan.

¹ Abu Chik Mat Sarom, Abu Hassan Ahmad, dan Sulaiman Idris, Asal-usul Adat Perpatih Negeri Sembilan, hlm. 13.

Sri Temenggung membantah lantikan ini kerana dia sendiri hendak merebut menduduki bekas takhta kerajaan ayahandanya itu. Istiadat pertabalan ini menjadi gagal dan menyebabkan rakyat jelata merasa dukacita, tetapi Sri Mara Pateh telah bertolak ansur dan meminta rakyat agar bersabar. Kemudian Sri Mara Pateh, Sri Temenggung dan Perdana Menteri telah berunding dan diminta untuk bertolak ansur. Puteri Seri Banun disarankan untuk menaiki takhta kerajaan Padang Luas itu dengan syarat dikahwinkan dia dahulu. Temenggung tidak bersetuju dengan cadangan ini kerana perempuan tidak patut menjadi raja. Akhirnya Temenggung bersetuju dengan mengahwinkan Raja Hindi dengan Seri Banun dan ditabalkan mereka menjadi raja. Setelah itu Perpatih dan Temenggung mengadap Sultan untuk menyerahkan kuasa pentadbiran negeri tetapi ditolak oleh Raja Hindi. Baginda telah menyembahkan kepada kedua saudara iparnya untuk memerintah di negeri Padang Luas itu menurut adat istiadat masing-masing.¹

Setelah agak lama Perpatih dan Temenggung memerintah di negeri Padang Luas itu timbullah perbalahan antara keduanya. Mereka datang mengadap Raja Hindi untuk menyelesaikan sengketa itu. Raja Hindi hanya dapat bertitah ;

"Tidak ada kesalahan daripada kekanda berdua, hanya kesalahan itu ialah dari adinda juga, kerana sebuah perahu dua nakhoda karam dan sebuah negeri dua raja huru-hara".

Untuk menjaga keamanan umum dan persengketaan, Raja Hindi menitahkan kedua iparnya itu berpisah, membuka negeri masing-masing di mana sahaja teluk rantau yang belum diterokai lagi. (Dikatakan juga keduanya ini sering berselisih faham sejak kecil lagi). Bagi memudahkan pelayaran itu mereka disediakan dengan sebuah bahtera seorang. Datuk Perpatih telah belayar

¹ Abu Chik Mat Sarom, Abu Hassan Ahmad, dan Sulaiman Idris, Asal-usul Adat Perpatih Negeri Sembilan, hlm. 13.

menyeberangi laut mengelilingi Selat Melaka, sampai ke Siam, Burma, Ceylon dan Benua China. Di negeri China beliau telah tertarik dengan suasana kehidupan secara kelompok di sana, diperintah oleh seorang ketua atau wakil dalam Majlis Mesyuarat DiRaja. Setiap puak diberi nama mengikut keturunan dan tidak dibenarkan berkahwin sesama puak. Dari sinilah beliau mempelajari dan digunakannya di dalam penyusunan adat di Lares Caniago.

Semasa pelayaran itu juga, sewaktu melalui Laut Langkapuri, Perpatih telah menjumpai sebatang kayu hanyut yang mengandungi beberapa perkakas tukang termasuk sebilah pahat dan beliung disebut '**Perpatih**'. Menurut ceritanya perkataan '**Perpatih**' pada asal Adat Perpatih itu dipadankan daripada perkataan Perpatil ini.¹

Datuk Perpatih telah memerintah laras Caniago dengan menyusun adat serta ditambah dengan pengalamannya melalui pelayaran. Adat Perpatih yang dibentuk itu amat mementingkan muafakat kesederhanaan tanpa memandang kedudukan seseorang.

1.

Untuk lanjut : Md. Sharif Fakeh Hassan, "Sejarah Kedatangan Adat Perpatih dan kaitannya di Minangkabau", hlm. 8.

1.12 Negeri-negeri Yang Mengamalkan Adat Perpatih.

Di Tanah Melayu, adat Perpatih diikuti di sebahagian besar Negeri Sembilan dan daerah Naning Melaka¹. Keadaan bentuk mukabuminya yang berbukit dan berlembah begitu sesuai untuk penanaman padi dan pertanian. Ini menjadi faktor penerokaan pengikut-pengikut Perpatih yang datang dari daerah Barat Sumatera itu.

Penghijrahan-penghijrahan yang terawal ini telah tinggal di bahagian hulu Sungai Muar dan membentuk daerah Ulu Muar dan Jempol, di Sungai Linggi dan Sungai Rembau untuk mengirikan daerah-daerah Sungai Ujong dan Rembau, melalui Sungai Melaka mereka membentuk pula Naning, Johol dan Inas, dan Sungai Triang di Pahang membentuk daerah Jelevu. Mereka berkahwin dengan perempuan-perempuan suku tempatan membawa bersama mereka adat Perpatih yang diamalkan sehingga kini.²

Masyarakat adat Perpatih ini mengandungi individu, keluarga dan suku-suku yang kemudiannya membentuk daerah. Setiap suku di bawah seorang ketua bergelar '**Lembaga**' dan kesemua suku ini pula akan diletakkan di bawah '**Undang Yang Empat**'. Sebelum daerah-daerah di Negeri Sembilan ini disatukan setiap masing-masing diperintah oleh undang. Di dalam jangkamasa ini, disebabkan keadaan yang masih lemah, mereka telah meminta pertolongan dari Johor. Oleh itu setiap daerah di masa itu berada di bawah kuasa Temenggung atau Sultan Johor.

¹ Ahmad Mohd Ibrahim, "Islam Customary Law/Malaysia", hlm. 48.

² Ibid. Lihat juga : Mohd Din Ali, "Two Forces in Malay Society", hlm. 20.

*Abd. Samad Idris, Negeri Sembilan dan Sejarahnya, hlm. 8. ditambah selepas Rembau dengan Seri Menanti tidak menyebut Inas tetapi sebahagian dari Kuala Pilah.

Pepatah adat menyatakan :

*Bertali ke Siak
Berpengkalan ke Melaka
Beraja ke Johor
Bertuan (Yam Tuan) ke Minangkabau.*

Setelah dirasakan kekuatan telah ada, dalam tahun 1773, masyarakat Perpatih telah memilih dan menjemput seorang kerabat DiRaja Minangkabau sebagai raja dan pemerintah pertama di Negeri Sembilan. Semenjak itu adat Perpatih menjadi bertambah teguh.

Pemilihan kerabat Diraja Minangkabau ini menjadikan Negeri Sembilan setaraf dengan negeri-negeri lain di Tanah Melayu, mempunyai pemerintah dari keturunan DiRaja dan ini membentuk adat Temenggung di Negeri Sembilan. Adapun perkataan ‘Negeri’ yang dipangkal¹ nama Negeri Sembilan sekarang ini adalah berasal dari perkataan orang-orang Minangkabau yang disebut menurut pelatnya ‘Nagari’.²

Komposisi Negeri Sembilan berubah-ubah mengikut detik sejarah. Masa dahulu Kelang (Selangor), Segamat (Johor) dan Naning (Melaka) termasuk dalam Negeri Sembilan. Ada juga penulis-penulis mengatakan beberapa kawasan di Pahang juga pernah termasuk dalam Negeri Sembilan.³

Negeri Sembilan terbentuk melalui gabungan 9 buah luak/mukim yang bercantum satu menjadi sebuah negeri yang besar. Sebelum menjelang 1773, negeri-negeri kecil itu terdiri

¹ Ahmad Mohd Ibrahim, ‘Islam Customary Law/Malaysia’, hlm. 49.

² Abu Samad Idris, Negeri Sembilan dan Sejarahnya, hlm. 7.

³ Nordin Selat, Sistem Sosial Adat Perpatih, hlm. 56.

daripada ;

- | | |
|-----------------|----------------------------|
| 1. Sungai Ujong | 7. Naning |
| 2. Jelevu | 8. Ulu Pahang = Kenaboi |
| 3. Johol | 9. Segamat dan Pasir Besar |
| 4. Rembau | (di bawah Datuk Jempol) |
| 5. Jelai = Inas | |
| 6. Kelang | |

Tahun-tahun 1780an, Belanda mengambil alih Naning, Bugis di Kelang dan Segamat (bawah penghulu Jempol) kembali ke Johor. Sementara Ulu Pahang, Johor (bawah penghulu Kenaboi) ke Pahang. Pada tahun 1895, 4 buah luak yang tidak terlibat dengan pemisahan ini telah bergantung membentuk semula Negeri Sembilan. Anggota gabungan itu terdiri dari ;

- | | |
|-------------------|-----------------|
| 1. Sungai Ujong | 6. Ulu Muar |
| 2. Jelevu | 7. Jempol |
| 3. Johol dan Inas | 8. Teraci |
| 4. Rembau | 9. Gunung Pasir |
| 5. Tampin | |

Naning pula suatu masa dahulu sebagai sebahagian daripada Negeri Sembilan. Sehingga sekarang ianya masih mengamalkan adat Perpatih yang dinamakan Adat Perpatih Naning.

Di Masjid Tanah selain Melayu asli, terdapat juga golongan Minangkabau, Jawa, dan Bugis. Tetapi mereka ini kurang ramai. Orang-orang Minangkabau ini datang berniaga semenjak Pekan Masjid Tanha ini meningkat maju. Namun begitu, melalui perjalanan sejarah, kedatangan Datuk Perpatih dan pengikut-pengikutnya melalui Johor, Kelang dan Melaka itu tidak menafikan adanya masyarakat Minangkabau di kawasan-kawasan selain Negeri Sembilan

dan sebahagian Melaka itu. Umpamanya di daerah-daerah Johor dan Pahang. Buktinya juga dapat dilihat daripada kedudukan Kelang, Segamat dan Ulu Pahang. Sebelum diambil alih oleh Belanda dan Bugis, ianya di bawah gabungan Negeri Sembilan. Walaupun demikian, mereka ini bukanlah pengamal adat Perpatih sepenuhnya.

Di Negeri Sembilan, tidak semua kawasan atau daerahnya mengamalkan adat Perpatih. Pada Januari 1930, Residen Negeri Sembilan telah memberikan suatu kenyataan yang penting di dalam sejarah. Di antara tahun 1874 dan 1901 amalan penurunan harta di daerah-daerah Seremban dan Port Dickson telah ditukar keturunan yang mengikut susur galur '*exogamous matriarchal*' (adat Perpatih) telah ditukar menurut adat Temenggung.¹

E.N.Taylor pula menyatakan : umumnya mengakui semua orang-orang Melayu di daerah-daerah Negeri Sembilan dan Nanning berasal di Sumatera tetapi apakah mereka ini pernah mewujudkan organisasi bersuku yang mereka sendiri meragukannya. Ianya boleh menjadi kelompok bersuku jika ianya pernah wujud dan mungkin dihentikan pada tahun 1874 semasa pemerintahan British.²

¹ M.B. Hooker, Adat Laws in Modern Malaya, hlm. 195.

² M.B. Hooker, ed., Readings in Malay Adat Law, hlm. 195 - 196

1.13 Islam Dan Adat di Tanah Melayu

Adat-adat Melayu lama telah pun diamalkan sejak dahulu hingga kini. Di Tanah Melayu sendiri terdapat dua institusi adat yang termashyur iaitu adat Temenggung dan adat Perpatih.¹

Ada juga bernama dikatakan orang-orang Melayu itu orang Islam yang kuat mengamalkan ajaran Islam. Tetapi mereka tidak pernah di masa yang lalu menerima seluruh dan mengamalkan semua prinsip hukum Islam khususnya undang-undang pusaka Islam.²

Wujudnya situasi ini disebabkan sikap umum orang-orang Melayu terhadap adat. Samada mereka itu penduduk asli Tanah Melayu atau yang datang berhijrah dari tempat-tempat lain, menilaikan kelebihan adat lama mereka dari perkara lain.

Mereka teguh dengan kata-kata adat : *"Biar mati anak, jangan mati adat"* dan sebagainya.

Dari kata-kata yang lazim ini mereka memahami dan beranggapan adat sebagai cara hidup yang natural dan mempunyai kuasa mengikat. Organisasi suku biasanya diatur bagi memenuhi keperluan masyarakat dalam kehidupan seharian. Ringkasnya struktur sosial masyarakat Melayu purba adalah berdasarkan adat diawalnya sebelum yang lain-lain lagi. Antara lain mengapa Islam tidak difahami secara keseluruhannya ialah sokongan kuat Raja-Raja Melayu di dalam adat Temenggung. Adat yang dikatakan menyamai hukum Islam itu telah pun sebatian dengan mereka. Ini kadang-kalanya membangkitkan kontroversi antara hukum Islam dengan adat yang diamalkan.

¹ Untuk lanjut : Mohd Din Ali , "Two Forces in Malay Society" , hlm. 16-18.

² Othman Ishak , Hubungan Antara Undang-undang Islam dengan Undang-undang Adat , hlm. 89.

Di negeri-negeri yang lain di Tanah Melayu, adat Temenggung diperkenalkan bersama sistem Islam dan meresap ke institusi Kesultanan. Negeri-negeri ini menjadi negeri-negeri Kesultanan Islam. Diketika ajaran Islam meresap ke dalam adat Temenggung, kedua-duanya ini menjadi bahagian-bahagian kepada satu sistem. Walaupun kesan adat ini masih kekal terutamanya di dalam pewarisan hak milik orang Melayu.¹

Sebab lain kurangnya fahaman keislaman ini ialah pengembang-pengembang agama Islam yang awal adalah terdiri daripada ahli-ahli teologi (ibadat). Kesan dari itu penerimaan orang Islam terhadap spritual (kerohanian) dan ibadat mengatasi bidang lain seperti hukum (Jurisprudence). Ini memungkinkan sebagai salah satu faktor berlakunya salah faham antara dasar-dasar hukum Islam dan adat. Kata-kata '*Adat Bersendikan Hukum*' berkemungkinan tidak akan menepati kehendak sebenarnya kerana kedapatan banyaknya dasar-dasar adat yang bercanggah dengan hukum Islam. Perkembangan ajaran Sufi (falsafah) yang tersebar luas di pertengahan abad 15 juga telah menyukarkan pendidikan segi hukum. Kebanyakan orang-orang Melayu yang masih teguh dengan amalan tahyul menjadikannya sebahagian dari adat yang terpelihara. Sistem Pentadbiran Kolonial dan pengaruh-pengaruh tamaddun Barat boleh juga dikira sebagai fakta tambahan yang mewujudkan sistem campuran dari adat, hukum Islam dan undang-undang Barat.²

Bagi penyelesaian perselisihan antara undang-undang adat dan hukum Islam, telah diadakan satu badan berasingan disetiap negeri dikenali dengan Majlis Agama Islam dan Adat Istiadat Melayu. Ianya berfungsi sebagai penasihat Sultan dalam semua perkara yang

¹ Ahmad Mohd Ibrahim, "Islam Customary Law/Malaysia," hlm. 49.

² Othman Ishak, Hubungan antara Undang-undang Islam dengan Undang-undang Adat, hlm. 91-92.

bersangkutan dengan pentadbiran agama dan adat Melayu.¹ Di dalam tahun 1875, terdapat undang-undang perseorangan yang dikombinasikan antara adat dan Islam. Adat dipelbagaikan menerusi kemasukan sebahagian daripada undang-undang itu tidak boleh bertolak ansur. Adat berkembang dan mundur, undang-undang Islam lebih meluas dan perubahan boleh juga berlaku melalui undang-undang yang termaktub.²

Hubungan di antara Islam di negeri-negeri Malaya Barat telah menerima dua bentuk yang berbeza. Di Negeri Sembilan ketegangan di antara dua sistem undang-undang yang berlawanan telah berlaku di mana keduanya juga amat dihormati di dalam Perlembagaan Negeri. Di negeri Melayu lama, terdapat kekeliruan dan pencelatuan daripada pengasingan undang-undang Islam dan adat tempatan, menimbulkan masalah di dalam kuasa kehakiman.³

Di dalam adat Minangkabau lama, penerimaan Islam ke dalam struktur adat bercampur aduk setara dengan perlembagaan Islam. Kesan pengaruh ini bukan sebagai suatu penerimaan kepercayaan yang baru tetapi pengutamaan terhadap sistem '*matrilineal*' di dalam pewarisan harta yang kemudiannya menjadi suatu faktor tunggal terbesar yang konflik dengan undang-undang pusaka Islam.⁴

Menurut teorinya, orang-orang Melayu Minangkabau merupakan pengikut agama Islam yang baik. Mereka dianjurkan untuk menerima seluruh undang-undang Islam (*Muhammadian Law*). Tetapi di dalam praktikalnya penerimaan mereka terbatas di dalam perkara-perkara yang

¹ Untuk lanjut : Ahmad Mohd Ibrahim, "Islam Customary Law/Malaysia", hlm.49-51.

² M.B.Hooker , ed , Readings in Malay Adat Law, hlm. 65.

³ M.B.Hooker , Adat Laws in Modern Malay, hlm. 250.

⁴ Mohd Din Ali, "Two Forces in Malay Society", hlm. 22.

tidak dipersetujui oleh adat mereka. Apabila berlaku pemilihan antara adat dan hukum syarak, mereka akan menolak hukum Islam.¹ Namun begitu masyarakat adat Perpatih di Negeri Sembilan mempercayai undang-undang Islam itu mempersetujui undang-undang adat. Hanya kadi tempatan telah membuat penjelasan yang kurang terhadap undang-undang. Kata-kata adat menyatakan :

*Adat yang kawi
Syarak yang lazim*

Sistem undang-undang Islam mengakui kekuasaan dan kebenaran adat di dalam memperkukuhkan peraturan undang-undang. Di Malaysia, adat memainkan sebahagian peranan penting di dalam kemajuan undang-undang Islam, terutama sebahagiannya membantu memelihara kedudukan dan status wanita di dalam masyarakat.

Perpaduan di antara undang-undang adat dan Islam boleh berlaku sekiranya di satu pihak menerima dasar undang-undang Islam yang terkandung di dalam al-Quran dan al-Sunnah sepertimana di awal Islam untuk usaha penjelasannya ialah melalui ijtihad dan ijmak bagi² mempertemukan situasi sosial dan ekonomi yang kerap berubah. Seandainya adat di satu pihak lain menerima pembaharuan untuk memenuhi keperluan kondisi sosial dan adil, dapat diterima perbilangan yang menyatakan :

*Sumbing-sumbing dititik
Patah-patah dikimpal
Rimbun-rimbun ditutuh
Buruk-buruk diperbaharui*

¹ M.B.Hooker , ed. , Readings in Malay Adat Laws , hlm. 20.

² Tunku Hussain Tunku Yahya , "Uncracked by the Sun", Intisari, 1.3 , MRSI, Singapore, (1962), hlm. 73.

Di dalam mempersoalkan hubungan adat dan Islam ini, dikatakan adat Perpatih tidak demokratis dan bertentangan dengan ajaran Islam.¹ Sementara itu dinyatakan pula kekeliruan orang luar terhadap masyarakat Perpatih berpunca dari kejahilan tentang sistem nilai adat itu sendiri. Akibatnya teretus stereotaip-stereotaip seperti orang Melayu Negeri Sembilan kurang pegangan agama kerana menentang ajaran agama Islam, lelaki dayus kerana tidak berharta dan bila bercerai terpaksa membawa bungkusan tidur di surau, orang Negeri Sembilan konu dan sebagainya. Fahaman ini tidak salah, hanya merupakan fahaman dari kaca mata orang yang mempunyai sistem nilai yang berlainan.² Adat menerima Islam dan menentanginya bermakna menuju kerosakan. Keduanya mempersoalkan kebaikan dan perbezaannya hanya dari segi logik. Kebenaran Islam itu mutlak tetapi adat itu relatif. Hubungan antara adat dan syarak saling lengkap melengkapi.

Perlu dimaklumi, Islam berkemampuan menyediakan suatu sistem yang lengkap bagi kewujudan duniawi dan kerohanian, berbanding dengan adat menyediakan suatu kelas sosial yang logik dan semulajadi berdasarkan fakta-fakta kehidupan dan hukum alam, ianya masih lagi sebagai suatu sistem yang mengarah kepada keduniaan tanpa menjanjikan suatu kehidupan yang beragama dan berkerohanian. Adat menyediakan suatu tradisi dan syarat-syarat yang teratur untuk kehidupan yang lazim, Islam pula mencapai konsep kesatuan seluruh makhluk dan kejadian di bawah satu kuasa tertinggi iaitu '*Allah*'.

¹ Untuk lanjut : H.A, Hamidi Jora, "Adat Perpatih tidak Demokratis," Dewan Masyarakat (Januari 1975), hlm. 37-39.

²

Nordin Selat, Sistem Sosial Adat Perpatih, hlm. 1.

SUMBER RUJUKAN

Buku Bahasa Melayu

Abdullah Siddik , Pengantar Undang-undang Adat di Malaysia , Kuala Lumpur : Universiti Malaya , 1975.

Abd. Karim Hj. Ismail , Sistem Pusaka Islam , Kuala Lumpur : Yayasan Dakwah Islamiah, 1983.

A. Samad Idris , Hubungan Minangkabau Dengan Negeri Sembilan dari segi sejarah dan Kebudayaan , Seremban : Pustaka Asas , 1970.

Abu Urwah , Wanita dan Kekeluargaan , Petaling Jaya : Pusaka Salam , 1986.

Abu Chik Mat Sarom, Abu Hassan Ahmad dan Sulaiman Idris , Asal-usul Adat Perpatih Negeri Sembilan , Kuala Pilah : Malay Press 1982.

Khoo Kay Kim , ed., Melaka dahulu dan sekarang , Kuala Lumpur : Muzium Negara , 1982.

Nordin Selat , Sistem Sosial Adat Perpatih , Kuala Lumpur : Utusan Melayu , 1976.

Norhalim Hj. Ibrahim , Negeri Yang Sembilan , Kuala Lumpur : Fajar Bakti , 1995.

Othman Ishak , Hubungan antara Undang-undang Islam dengan Undang-undang Adat , Kuala Lumpur : Dewan Bahasa dan Pustaka . 1979.

_____ , Fatwa Dalam Perundangan Islam , Kuala Lumpur : Fajar Bakti , 1981.

Buku Bahasa Inggeris

Hooker , M.B. , ed. , Readings in Malay Adat Laws , Singapore : Singapore University Press , 1970.

Hooker , M.B. , Adat Laws in Modern Malaya , London : Oxford University Press , 1971.

Kertas kerja

Abdullah Siddik , “*Adat dan Modernisasi*”, kertas kerja Seminar Persejaraan dan Adat Perpatih , anjuran Majlis Belia Negeri, Negeri Sembilan (10 - April 1974).

Abd. Kadir Ismail, Abd. Monir Yaacob , “*Harta Sepencarian menurut pandangan Islam*”. Kertas kerja Seminar Faraid Peringkat Kebangsaan , anjuran Jabatan Syariah , Fakulti Pengajian Islam , Universiti Kebangsaan Malaysia (4-5 Jun 1983).

Nadzim Hj. Abd. Rahman , “*Cara-cara pengendalian harta sepencarian di mahkamah-mahkamah*” . Kertas kerja Seminar Faraid Peringkat Kebangsaan , anjuran Jabatan Syariah , Fakulti Pengajian Islam , Universiti Kebangsaan Malaysia (4-5 Jun 1983).

Majalah

Ahmad Mohd Ibrahim , “Islam Customary Law/Malaysia” . Intisari , 2.2(1963).

Hamidi, H.A. , “Adat Perpatih Tidak Demokratis” . Dewan Masyarakat (Januari 1975).

Mohd. Din Ali , “Two Forces in Malay Society” . Intisari , 1.3. Malaysia Sociological Research Intitution (1962).

Rezwan Datuk Hj. Mohd Dom , “Adat Perpatih Tidak Demokratis Ditegur” . Dewan Masyarakat (Mac 1975).

Responden

Encik Jamal b. Mohd Ali

Penduduk Kampung Segu Ulu, Rantau, Negeri Sembilan

Tarikh : 1 Mac 1996.

Ustaz Ahmad Zaidi

Pegawai Kanan

Pejabat Agama Negeri Sembilan, Seremban.

(menggantikan sesi temuramah bagi pihak Dato' Mufti kerana keuzuran)

Tarikh : 2 Mac 1996.

Huruf Singkatan

ed. : editor (penyunting)

Ibid : di tempat yang sama.